

Boahkuheapmi rotavirusa vuostá

Rotavirus lea sivvan sullii beali buot dáhpáhusain mas njuorat- ja smávvamánát buohccájit luhčadávddain ja vuoksimiin. Virus njoammu hui álkit.

Rotavirusboahkuheamis lea ealli, goariduvvon rotavirus. Boahkuhanvirus ii dagat rotavirusdávdda dearvvas mánáide. Rotavirusboahkuheapmi lea hui beaktil ja suodjala lagabui 100 proseantta duođalaš rotavirusinfekšuvnnaid vuostá.

Rotavirusboahkuheapmi addo njálbmái ja dat lea sohkaraddjái.

Boahkuheapmi mii geavahuvvo mánáidboahkuhanprográmmas addo guovtti dosan. Vuosttaš dosa addo áramusat go máná lea 6 vahkku ja mañimusat go máná lea 12 vahkku. Nubbi dosa addo go máná lea sullii 3 mánu ja mañimusat go máná lea 16 vahkku. Mañjá boahkuheami bistá suodjaleapmi unnimusat 3-4 jagi. Dát lea doarvá suodjalan dihte unnimus ja hearckimus mánáid.

Atte dieđu dearvvasvuodastašuvdnii jus máná gieskat lea ožžon dálkasa, jus lea allergiija dahje eará dearvvasvuodávttisvuodát. Dasa lassin ferte mitalit dearvvasvuodabuohccidivššárii jus eadni lea ožžon dálkasiid mat váikkuhit dávddaid vuostálastinnákcii áhpehisdilis dahje njamahanáigodagas go dalle sáhtta leat dárbu mañidit dán boahkuheami.

Ávžžuhuvvo mañidit boahkuheami jus máná lea fáhkka buohccán infekšuvdnadávddain ja lea feber badjel 38 °C dahje jus lea fáhkka oččohallan čovje-čoallevulššiin mas lea luhčadávda dahje mii vuovssiha.

Rotavirusdávdda birra

Lea dábálemos ahte máná njoammu jus coggá gieđa njálbmái mañjago lea guoskkahan juoga mii lea nuoskkiduvvon rotavirusiin. Virus lea baikkas sihke ovdal, mañjá ja dan botta go lea dávda. Go lea buohcan rotavirusinfekšuvnnaid de suodjaluvvo dušše muhttin muddui oazžumis dávdda ođđasit. Danne buohccájit eatnašat dávddain mañgii mánávuodas. Buorre giehtabuhtisteapmi unnida virusnjoammuma, muhto ii nagot oalát dan hehttet.

Rotavirusdávddain šaddet dávjá garrasat dávdamearkkat go eará čovje-čoalleinfekšuvnnaid. Eanaš mánáin nohká dávda váttuid haga, muhto muhttimat dárbbasit divššu goikama (dehydreren) geažil. Jus dikšugoahat menddo mañjit, sáhtta dávda leat jámolaš, muhto dat dáhpáhuvvá hui hárve min guovlluin máilmmis.

Ovdal rotavirusboahkuheapmi fátmastuvvui mánáidboahkuhanprográmmii, lei rotavirusdávda sivvan measta 2/3 oassái buot sisačálihemiide buohccivissui go smávvamánát vukse dahje lei luhčadávda. Jahkásaččat čálihuvvu 700-1100 máná rotavirusdávddain buohccivissui dikšojuvvot. Eatnašat ledje vuollet 2 jagi.

Dábálaš liigeváikkuhusat

Dan boahkuheami, mii lea mánáidboahkuhanprográmmas (Rotarix) dábálemos liigeváikkuhusat leat:

- Nu ollu go 1 juohke 10 boahkuhuvvon máná šaddá illáveaje ja šaddá njárbes baika.
- Nu ollu go 1 juohke 100 boahkuhuvvon máná oččohallá čovjebákcasiidda, baggá, dahje oazžu reakšuvnna liikái.

Oahpes, muhto hárvenaš dilli njuoratmánáin lea čollevaginašuvdna. Dalle máhccasa oassi čolalis dan oassái mii lea vuolábealde. Norggas čálihuvojit jahkásaččat 35-40 máná vuolled 1 jagi buohccivissui čollevaginašuvnnain. Dutkosat leat čájehan ahte dát lohku sáhtta lassánit maŋŋágo álggaha rotavirusboahkuheami (nu ollu go 1 dáhpáhus juohke 20 000 boahkuhuvvon olbmos), erenoamážit go boahkuheapmi addá maŋŋágo máná lea boarrásatgo 4 mánu. Danne galgá vuosttaš dosa addot maŋimusat go máná lea 12 vahkku ja nubbi dosa go máná lea 16 vahkku.

Boahkuheapmi mii geavahuvvo lea Rotarix. Dieđut dan birra leat gávdnamis [dálkkasohcan](#) bokte (oza Rotarix ohcanruvttus) Stáhta Dálkkasdoaimmahaga neahttasiiddus (Girjedárogillii).

Áššáigullelaš artihkkalat

- [Manne lea dehálaš boahkuhit?](#)
- [Ovdal ja maŋŋá boahkuheami](#)
- [Rotavirusboahkuheapmi njuoratmánáide čájehuvvo leat beaktilin](#) (Ođasášši 2017:s. Girjedárogillii)